

دوسعادتده یکی پوسته خانه تارشوسنده.
دائرة مخصوصه در محل ارابه:

مستطابق

انظار:

مسلكيزه موافق آثار جديده مع المنزليه قبول اولنور
دورج ايجي يمين آثار اطاده اولنار

دين، فلسفه، ادبيات، حقوق و علوم دن باحث هفته لق رساله در

مؤسسلى: ابوالعلا زين العابدين - ح. اشرف اديب

تاريخ تأسيس:
۱۱ نور ۳۲۴

دوسعادتده نسخه سي ۵۰ پاره در

تبريله دن مقوا بورو ايله كوندريليرسه سنوي
۲۰ غروش فضله آلنير.

دوسعادتده پوسته ايله كوندريليرسه ولايات بدلى اخذ اولنور.

سنه لى القايلى	دوسعادتده
۳۵ ۶۵	ولاياتده
۵۰ ۹۰	ممالك اجنبیهده
۵۰ ۹۰	غروشدر

عدد: ۱۵

۳۲۶ ذى القعدة ۹ پنجشنبه ۲۰ تشرین ثانی ۳۲۴

برنجی سنه

بیان مراد

تعداد اولان اقسام نعم ایچندن بومقامده مقصود قسم اخروینک کافه سی ایله برابر اکا موصل اولان اقسام دنیویه در . چونکه « انعمت » نك مقولی حذف اولنه رق نعمت مطلقه یه اشارت بیورلمشدر . « نعمت مطلقه » ایسه نعمت کامله یه محمولدر که من کل وجه نعمت عد اولنه حق شیلردن عبارتدر . بوده نعم جلیله اخرویه ایله انلرک حصوله باعث اولان موهبی وکسی بالجمله دنیا نعمتلیدر . زیرا بونلر ایله دنیاده انتفاع حاصل اولدینی کبی سعادت ابدیه یه نوسل اولنمقده دره . نعم اخرویه یه موصل اولمیان نعم دنیویه ایله دنیاده انتفاع اولنیورسه ده آخرته باعث نعمت ومورث عقوبت اولملرینه مبنی هرجهته نعمت عد اولنلر . و بناء علیه نعمت کامله ده داخل قلفزلر .

اطلاقی کاله صرف ایله مقصود اولان نعمتلی تخصیص ائمه نك مداری وقرینه سوده « الذین انعمت علیهم » نظم کریمی ایله مراد الهی مؤمنلردن عبارت اولمسیدر . خارج براقیلان نعم دنیویه ایسه مؤمنینه خاص اولیوب سائرلرده شاملدر .

مناسبتی اسماعیل منعی

10704-10708

نجائب قرآنیہ

سورة آل عمران : آیت - ۱۹۹

« وان من اهل الکتاب لمن يؤمن بالله وما انزل الیکم وما انزل الیهم خاشعین لله لا یشترون بآیات الله ثمناً قليلاً اولئک لهم اجرهم عند ربهم ان الله سریع الحساب »

اهل کتابدن بعضیلری واردر که انلر الله ایچون خشوع [وخضوع] ایدرک آیات الهی ثمن قلیل ایله مبادلله ائیلیدرک [توراة وانجیلده مسطور نعمت پیغمبری بی جزئی بر منفعت مقابلنده کتم ائیدرک] ذات الوهیتنه، وسره انزال اولنان ایله کندیلرینه انزال ایدیلله نه [یعنی قرآن ایله کتابینه حقیقه] ایمان ایدرلر . انلرک ربلی عندنده اجرلری واردر . [« اولئک یؤتون اجرهم مرتین » قول کریمی ، « یؤتکم کفایین من رجه » نظم شریفی ایله کندیلرینه وعد بیورلمش اجر مخصوص واردر] جناب حق سریع الحسابدر . [علم الهی جمیع اشیایه نافذ اولوب ذات اقدس ربانی هر عالمک سزاوار بولندی اجر و مکافاته تأمله محتاج اولقسزین واقف و آشنا اولدیغندن اجر موعود کندیلرینه سرعتله واصل اولور] .

بومدح وستایش الهی یه نائل اولان بعض اهل کتاب ایله کیملر مراد اولدیغنده مفسرین عظام حضرات اختلاف ایتدیلر . بعضیلری : عبدالله بن سلام ایله یاران وجاعتی مراددر دیدیلر . بعضیلری دیدیلر که بونلر اهل نجراندن قرق ، حبشستاندن اوتوز ایکی ، رومدن سکیز کیسه لردر که نصاری ایکن اسلام اولمشلر ایدی . بعضیلری ده دیدیلر که بونکله « اصحمة » نامنده کی نجاشی مراددر . یعنی بومدحه مظهر اولان ذات

زمان سعادته شرفیاب اسلام اولان حبشستان ملکی « اصحمة » در . [۱] نجاشی حبشستان ملوکنک علم حاصلیدر ، نته کیم عجم شاهلرینه « کسری » ، هند پادشاهلرینه « رای » ، چین پادشاهلرینه « فففور » روم اولکه سنک حکمدارلرینه « قیصر » لقب خاص اولدینی کبی . اصحمة وفات ایدنجه جبریل امین بونی رسول اکرمه خبر و پر مش ایدی . بونک اوزرینه ذات نبوتیناه افندمن صحابیده : خارج بلده یه چیک ده آخردیاده وفات ایتمش اولان برقرنداشکزک جنازه نمازینی قیلک بیوردی . وبلده طاهره نك قبرستانی بولنان « بقیع » نام محله چیقیدی . اوراده حبشستان جهته نظرایدوب ذات رسالتیناهنه نجاشی نك نعمتی منکشف اولمسیله نمازینی قیلدی . بری طرفدن ایسه منافقار : باقک شوکا [طرف مستجمع الشرف حضرت رسالتیناهنی به اشارتدر] سرامدان نصارادن اول بر آدم ایچون جنازه نمازی قلیورکه او آدم کندینی اصلا کورماش و دینه داخل اولماشدر دیلریله بوآیت کریمه شرف نزول ایتشدر .

استطراد

وقتیه رژی قومیسری نوری بک مرحوم ایله برابر بوراق الحروف عکاده اقامته مأمور اولمشیدق . اوراده بولندیغ هنکامده یسوعیوندن بریله اده صره مصاحبت ایدر ایدم . مصاحبم : خوشکو ، نکته پرا ، تبعاتی واسع بر ذات ایدی . هر چشید صحبتلر ایدر ، هر وادیده کزینورایدک . برکون ینه بر معناد قونوشورایکن سیاق و سباق مباحثه دن مناسبت الدیررق بو ذات دیدی که انتظام عالم ، سعادت بنی آدم ، بشریتک هم آهنگ وفاق معاشرت اولهرق یوریمسنه توقف ایدر . بوساحه وسیعه عرفاند ، خیل جولان ایتدی . ذکاسنه انضمام ایدن طلاقت لسانیه سوزینه قوت ویرمکه ، افکارینی تأیید ایچون دلائل وشواهد ایرادینه ، هم بزمنک قلبی کندی طرفنه اماله ایدیه جک الفاظ کزین ایله رونق طراز کلام اولغه سبی بلیغ کوسترمکه ایدی . تمامیه دیکلهدم . دیدم بک طوغری ، لکن آرزو اولنان بومطلب اقصى نه صورتله مرات عالمده نجلی ایده بیلور ؟ ایما ایتدیکی جهتی ارا نه ایتمسیله دیدم که عین کلام ایله متکلم وعین نوع تبلیغ ایله مبعوث مثلاً یوز کشیک بر قافله فضالادن طقسان طقوزینی تصدیق ایدوب ده صره یوزنجیسنه کانجه بردنبره یوزچوپروب آتی انکار ایلیمک ، اوافاضل دیشانه بغیرحق حقارته جرأت ایتیمک نزد ارباب عرفان وایقاند شایان قبولی در ؟ بوتفریق حقیقت بین اولانلر نه دیر ؟

حضرت عیسی علیه السلام اعتقاد اسلامیانده پیغمبرانندر . هم اولو العزم پیغمبران ذیشانندر . جامعلرده متوجه بولندیغ محراب عبودیتک فوقنده « کما دخل علیا زکریا المحراب وجد عندها رزقا » نظم جلیلی منقوشدر که بوده جناب روح الهیک والده سی حضرت مریم العذرایه دائردر . قرآن کریمک برحق سور و آیتی حضرت مریم علیها السلامک منافقینی ، عصمت و طهارتنی ، نساء عالمین اوزرینه اصطفا سنی ناطقدر . قرآنده روح الهیک طفل ایکن بشیکه تکلم ایلدیکی ، ائمه وارصلره باذن الله شفاساز اولدینی ، باذن الله احیاء اموات ایتدیکی ،

[۱] همزه و حاک فتحیه در .

دها بوی نیکه معجزات باهره نبوتی مذکور در . بونکچون کوچو .
کندن بیوکنه وارنجه قدر بتون مسلمانلرک قبلری مشارالیهما به محبت
و تعظیم ایله طولیدر . حاصلی بتون مسلمانلرجه حضرت مریم بر عذراء
طاهره مبارکه و حضرت مسیح صلوات الله علی نبینا وعلیه دخی او عذراء
مبارکه دن نفخه جبریل ایله تولد ایتیش بر آیت کبرای الهیه در .

روح اللهك السنه شعرا مزده ذکری پک مانوسدر ، معجزات
مسیحی دمدم یاد ایدرک آنکله افکار و گفتارلرینه حسن و رونق و بررلر :

روح بخش اولدی مسیحا صفت انقاس بهار

اچدیله دیده لرین خواب عدمدن ازهار

باقی

خی احیا قلوب فیض دم جان بخش لطفکله

نمایان ایلدک آثار انقاس مسیحایی

ندیم

آفرین ای نی کلک هنر عیسی دم

ایلدک نفخه اعجاز ایله احیای عدم

عاکف پاشا

هوا مسیح نفس کشت و خاک نافه کشای

درخت سبز شد و مرغ درخروش آمد

حافظ شیرازی

ایندی حب و مودت هانکی جهته ، حسن آمیزش و معاشرتدن
تباعده طرفده ؟ مجدیلر حضرت عیسی علیه السلامه فصل محبت و حرمت
ایدیورلرسه عیسویلرده حضرت محمد علیه السلامی حرمت و محبت ایله
ذکر و یاد ایتسدرلر آرزو ایتدیکنلر حسن معاشرتک حصوله هیچ
بر مانع قالمز ایدی . حقیقت شناسانه بر مطالعه بوابده فکر پشیره رهبر
اولور . نقاب ترددی رفع ایدر . بوقتیصم مخاطب فاضلک کوشزد
عرفانی اولنجه براز دوشنددی و ندای خواص ولوله عوام آره سنده
ایشیدلرکه ... دیوب بو خصوصه دثر آرتق شق شفه ایتدی .
بومصاحبه نك جریانی ده بشقه مجرایه تحویل ایدلدی . ینده های وهوی
نشاط ایله برخیلی سوزلر سوبلندی . [و قولوا للناس حسنا] .

برکت زاده اسماعیل معنی

صفحات حیاتدن

کور نیزه

النده ، نوحه ماتم قدر آجیقلی صدا

ویرن ، برا اسکي قامیش ، قولتوغنده بریدیچی ،

شو کور دینچی ، باقاردم ، اولنجه ناله سرا ،

طوروبده مرچه دیگله ین کلوب کیدیچی ،

اوکنده بوینی بوکش زواللی کشکولنه

آتاردی بش پاره اولوق دکلسه باری ینه .

قیریق سازیله ایدرکن زمان زمان فریاده .

کلیدی کوشنه اولتقلرک طنینله

بر نوای بشارت ، برر پیام و داد ،
برر صدا که نیک سینه چاک اینیله
قاریشما یوب یالکز دم طوناردی صانکه اوکا ،
بوسس ، بو نظره غایت حزین کلیدی بگا .

عجیبی هپ متوالی لیل دورا دور . .

صبح یوق اونک آفاق تار عمری ایچون ،

یوزنده خنده امیدی اگدر برر برنور

کورولمور ، اومکدر ، الیم چهره بتون

کشف بر بلوط آلتنده پرده پوش ملال . .

یکن زمانی قارا گلک ، قارا گلک استقبال !

نصل حقیقت یلدا ؟ حیاتی کیت اوکا صور :

بولور نظرلری دنیایی پرده پرده ظلام !

بلایی کورمیور اما بتون بلا کورویور ،

بوکائنات سقالتده ایلدکجه دوام .

آرار بولندی بی یلدا بی تنه ایده

زواللی بر حقیقه حق یول صباح آمیده !

کورور شداند ایامه قارشی دوشنده

سپر وظیفه سنی لیمه لیمه بر عبا حق .

فقط او ستره بی تابی هر خروشنده

آچارده دست عنادله روزکار ، آرتق

کورک صاقندی بی صریان وجودی میدانه

چیقار ، کوکس کرر امواج برف و بارانه !

کچنده چارشی ایچندن چیقجه باقدم که

چامورلی طاشلره یا صلاش ایگیلور سائل .

حصیری شیلته سی آلتنده همده پک اسکی ،

شادروان اولماسه اوستنده یوقدی بر حائل .

طوبولموردی اوزاقدن نیکده شمیدی سسی ،

یاقیندن انجق ایشتم او واپسین نفسی !

او کندی کندینه اوفلری یوقسه ایگلمی ؟

نه دیگله ین ، نه طوران وار . . باقوب کچر هرکس .

مزاردن عکس ایدن آوازی کیسه دیگلمی ؟

زواللی ، اوله که باق ، ناله تظلی کس !

فقط طورک .. ینه کشکولده بر طنین مدید

طوبولدی .. آه نه نازنده در سرود امید !

شادروانک ، کوری آلتنده صاقلایان ، صاچاخی

دینمه مشمی ؟ بولوطدن جوشوب کلن یاغور ،

اوتقبه دن اوزانوب بر سیمیم کبی اشاخی ،

زواللی کشکولی باقدم یاواشجه قامچیلور .

طوبونجه کور بونی بر جوش مرحت صاندی ،

اوزاندی کشکوله هیات ایشه آلداندی :

هورارمش المری بوش چیقدی ساده ایصلاندی !

محمد عاکف